



Klub poslanika Naša stranka - Nezavisni blok

Broj:

Sarajevo, 08.08.2022. godine

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

n/r g. Nebojša Radmanović, predsjedavajući

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 08-08-2022			
Organizaciona jedinica	Klasifikaciona oznaka	Redni broj	Broj priloga
01-02-2		1322/22	

Na osnovu čl. 165. stav (1) tačka c) Poslovnika Predstavničkog doma Parlamentarne skupštine BiH, u prilogu dostavljam Prijedlog:

**PREPORUKE O POSTUPANJU VIJEĆA MINISTARA BOSNE I HERCEGOVINE I DRUGIH
INSTITUCIJA BOSNE I HERCEGOVINE PO PITANJU KOMEMORACIJA U BLEIBURGU**

te molim da ga u skladu sa članom 165. stav (3) uvrstite na dnevni red iduće sjednice Doma.

S poštovanjem,

Damir Arnaut

Poslanik u Predstavničkom domu

Na osnovu člana IV.3.d) Ustava Bosne i Hercegovine, te na osnovu člana 165. Poslovnika Predstavničkog doma Parlamentarne skupštine Bosne i Hercegovine, Predstavnički dom, na svojoj 32. sjednici održanoj ..08.2022. godine, usvojio je

**PREPORUKU O POSTUPANJU VIJEĆA MINISTARA BOSNE I HERCEGOVINE I
DRUGIH INSTITUCIJA BOSNE I HERCEGOVINE PO PITANJU
KOMEMORACIJA U BLEIBURGU**

1. Predstavnički dom Parlamentarne skupštine Bosne i Hercegovine pozdravlja Rezoluciju Nacionalnog vijeća Austrije 618/1(E) od 9.7.2020. o zabrani komemoracija u Bleiburgu i drugim mjestima u Austriji.
2. Predstavnički dom pozdravlja Zaključke Ministarstva unutrašnjih poslova Austrije iz novembra 2021., donesene na osnovu zahtjeva iz te Rezolucije, u kojim se između ostalog ističe da su komemoracije kod Bleiburga uključivale „nacional-socijalističke aktivnosti“, kao i „komemoraciju fašističkog režima“, te da „takvi događaji, pogotovo na način na koji su održavani 2019. i ranije moraju biti zabranjeni“, kao i da „grb koji počinje sa bijelim poljem se ima smatrati zabranjenim amblemom u okviru Zakona o amblemima“.
3. Uzimajući u obzir učešće zvaničnih delegacija iz Bosne i Hercegovine na komemoracijama kod Bleiburga o trošku po budžet institucija BiH, uključujući 2019. i ranije, Predstavnički dom traži od Vijeća ministara Bosne i Hercegovine, a posebno od Ministarstva sigurnosti Bosne i Hercegovine, te drugih institucija Bosne i Hercegovine, da ispita sve mogućnosti, uzimajući u obzir zahtjeve Povelje o temeljnim pravima Evropske unije, Evropske konvencije o ljudskim pravima i druge ustavne odredbe, kroz zakonske mjere na nivou Bosne i Hercegovine, bilateralnom i evropskom nivou, o zabrani ultranacionalističko-fašističkih komemoracija vezanih za Bleiburg, odnosno utroška budžetskih sredstava za takve svrhe, u svim budućim godinama.
4. Predstavnički dom traži od Vijeća ministara BiH da dostavi zaključke o zahtjevima iz prethodne tačke u roku od 60 dana od dana usvajanja ove Preporuke.
5. Ova Preporuka stupa na snagu danom donošenja, a objavit će se u „Službenom glasniku BiH“.

Predsjedavajući
Predstavničkog doma
Parlamentarne skupštine BiH

O B R A Z L O Ž E N J E

I. Ustavni osnov za usvajanje Preporuke

Ustavni osnov za usvajanje Preporuke sadržan je u članu IV.3.d) Ustava Bosne i Hercegovine, koji precizira da će svaki dom usvojiti svoj poslovnik o radu, te u članu 165. Poslovnika Predstavničkog doma Parlamentarne skupštine BiH koji predviđa da „Preporuka je akt kojim se ukazuje na značaj određenih pitanja koja se odnose na provođenje zakona.“

II. Razlozi za usvajanje Preporuke

Nacionalno vijeće Austrije (donji dom Parlamenta Austrije) usvojilo je Rezoluciju br. 618/1(E) od 9.7.2020., kojom je između ostalog naložilo Ministarstvu unutrašnjih poslova Austrije da „ispita sve mogućnosti, uzimajući u obzir zahtjeve Povelje o temeljnim pravima Evropske unije, Evropske konvencije o ljudskim pravima i druge ustavne odredbe, kroz zakonske mjere na nacionalnom, bilateralnom i evropskom nivou, o zabrani ultranacionalističko-fašističkih komemoracija vezanih za Bleiburg.“

https://www.parlament.gv.at/PAKT/VHG/XXVII/A/A_00618/fnameorig_801175.html

<https://balkaninsight.com/2020/07/09/austrian-mps-vote-for-ban-on-croats-bleiburg-wwii-gathering/>

Ministarstvo unutrašnjih poslova Austrije je postupilo po navedenim zahtjevima Nacionalnog vijeća, te donijelo Zaključke u kojim se, *inter alia*, precizira da su komemoracije kod Bleiburga uključivale „nacional-socijalističke aktivnosti“, kao i „komemoraciju fašističkog režima“, te da „takvi događaji, pogotovo na način na koji su održavani 2019. i ranije moraju biti zabranjeni“, kao i da „grb koji počinje sa bijelim poljem se ima smatrati zabranjenim amblemom u okviru Zakona o amblemima“ https://www.bmi.gv.at/bmi_documents/2692.pdf.

S obzirom da se u navedenoj Rezoluciji pominju komemoracije Bleiburga na teritoriji Bosne i Hercegovine, a pogotovo da su brojni zvaničnici BiH u zvaničnom kapacitetu i o trošku po budžet institucija BiH učestvovali na komemoracijama u samom Bleiburgu, uključujući 2019. i ranije, na štetu po međunarodni ugled Bosne i Hercegovine, pogotovo ukoliko se takve aktivnosti nastave, neophodno je da Predstavnički dom postupi kao i Nacionalno vijeće Austrije, te da Vijeće ministara BiH, a posebno Ministarstvo sigurnosti BiH, razmotre ovo pitanje koje se, kao i u slučaju Austrije, jasno „odnosi na provođenje zakona“, te da postupe po uzoru na Ministarstvo unutrašnjih poslova Austrije.

III. Principi na kojima je prijedlog Preporuke zasnovan

Ova Preporuka je zasnovana na principima tolerancije, suživota i demokratskih vrijednosti.

IV. Finansijska sredstva za provedbu Preporuke

Za provedbu ove Preporuke nije potrebno osigurati dodatna finansijska sredstva.

V. Druge okolnosti

Predloženom Preporukom se Bosna i Hercegovina priključuje Austriji u sankcionisanju ovih necivilizacijskih aktivnosti. Potez Austrije su pozdravile brojne organizacije, uključujući Svjetski jevrejski kongres, <https://balkaninsight.com/2020/06/02/jewish-congress-hails-austrian-move-to-ban-wwii-bleiburg-event/>.